

1883

C O D I C E S

1884

DCCLXXXVII.

U. 46 Codex chartaceus lat. Sec. XV. Folior. 289. f. per duas columnas a variis exaratus et rubricis distinctus, potissimam partem *Homileticus* est de Tempore et SS. Indicemque Sermonum in Theca postica adjectum habet. Sunt tamen quaedam peculiariter indicanda. *Fol. 3. Incipit Quadragesimale Abbatis. Sermo I. in die Cinerum*, in illud: *Cum jejunatis, nolite fieri &c. Matth. 6. Sicut apparet ex multiplici experimento et philosophus hoc testatur &c.* Pertingunt usque ad *Fer. III. Pasch. hi Sermones*, finitque postremus: *fructus mei honoris et honestatis, ad quos perducatur &c.* Sequitur Tabula, sed ante eam legitur: *Explicit postilla XLe fratris philippi de abbate*; quo Librarii errore innui censeo *Philippum* e Monacho *Eberbac. Ord. Cist. Abbatem Otterburgensem* in Palatinatu infer. qui exeunte Sec. XIV. reliquit *Volumina II. Concionum de Tempore et de SS. a Carolo Vischio Eberbaci* non semel visa, ut ipse testatur in *Bibl. Scriptt. Ord. Cist. p. 280.* Sed virum *Trithemius* in *Scriptt. germ.*

ad an. 1220. removet, dum illum *Possevinus Adpar. sac. T. II. a. 1430.* vixisse ait. Componant litem *Chronographi Ordinis. Ad calcem Tabulae* notatur: *Qui me scribebat, frater Johannes de Velsperch nomen habebat. Fol. 135.* sequitur *Adventuale*, cujus initium: *Nota quod due sunt cause que coegerunt christum venire &c.* Pertingit usque ad *Dom. I. post Epiph. et videtur ad eundem Philippum* referri posse. In *Sermone Dom. I. Adv. fol. 142.* habetur: *Frater quidam ordinis nostri Rudolfus nomine magnam scientiam habens et nichil docens, cum iam esset in extremis fratribus presentibus ait. Audiui vocem dicentem mihi. Rudolfe plurima sciisti et parum docuisti. Narrat Vischius l. cit. magistrum Philippi Parisiis fuisse Rudolphum Eccl. Colon. Scholasticum. Verum an hic deinceps Monachum induit, ut Philippus? Finit Sermo ult. in gradum festinum (pristinum) restituitur. Unde bene subjecit Librarius: *Heu male finiui quia non bene scribere sciui. Fol. 171.* praevio *Aenigmate de Anno et Panno*, quod emendatum sic restituo:*

Est quiddam sine P. cui servit noxque diesque.

Si P. addideris, facies tunicam tibi, si vis.

Incipit scyntillarius venerabilis Bede presbiteri. Praeloquium ita orditur: Propicio christo fratres karissimi ita lectionem diuinam audio et scienti corde semper excipiatis &c. Est hic inter Sermones ad

Fratres in Eremito LVI. T. VI. Opp. Augustini append. col. 366. quem Librarii industria *Scintillis* praefixit; *Scintillae* vero ipsae habentur *Opp. Bedae Colon. 1688. T. VII. col. 370. f. Capiti XXXI. de*

1885

H O M I L E T I C I.

1886

de *Disciplina* in *Cod. fol. 190. p. 2.* infarctus est *Locus Hugonis de S. Viſore*, utique *Beda* longè posterioris. Ad calcem jacet: *Et sic est finis huius per dei misericordiam. Stanislaus. An de Zoyma? Fol. 217. p. 2. Quaestio de Conceptione sancte Marie virginis* adlatis primum in contrarium argumentis deciditur in favorem Virginis. *Fol. 222. Tractatus super orationem dominicam*, cujus initium: *Reprobata ypocritarum ostentatione &c. adjuncto altero beati*, ut dicitur, *Chrisostomi* hoc transitu: *Nunc breuiter uideamus qualiter Chrisostomus exponat hanc orationem &c. et tertio*, qui incipit absque inscriptione: *Pater noster. In hoc verbo dat Dominus fiduciam impetrandi &c. Fol. 231. Incipit liber beati Augustini de essentia diuinitatis atque incommutabilitate dei.* Ita quidem: *Omnipotens Deus pater et filius &c. Editus primum Günth. Zainer typis Augustan. circa an. 1470 — 75. cum multis aliis Opusculis, sub Hieronymi nomine f. sed in Codd. etiam diversis aliis sub variis titulis tributus legitur Opp. August. Paris. T. VIII. append. col. 67. Fol. 235. Collectanea de Corpore Christi, Festivitatibus, Mulieribus post Partum et menstruatis, Voto, Confessione, Jeunio et Juramento plurimum e PP. Fol. 244. praemisso Cantici Cantic. textu Incipit speculum honorij (Augustodun.) super illud ad laudem Marie virginis. Speculum hoc titulo Sigilli B. V. Mariae extat in Bibl. PP. Lugd. T. XX. p.*

1217. Deest vero, quae ibi habetur, Praefatio in *Codice*, qui statim infit: *Gloriosa virgo maria typum ecclesie gerens &c. et finit: alta meritis odorifera premijs.* Itaque nec Supplicationem illam: *Nunc pauca ad honorem virginis sunt superaddenda &c. adgnoscit. Fol. 253. Incipit planctus beati Augustini de passione Domini.* Ita: *Quis dabit capiti meo aquam — donec suo seruo mihi Dominus Deus appareat uisu uel sompno &c. Exorat hic Pseudoaugustinus Matrem Christi, ut referret, quae in morte Filii sui passa fuerit. Fol. 257. Concordantiae II. Prior totius Historiae Evangelicae indicatis solummodo Evangelistarum locis, Altera diferta Passionis in die, ut inscribitur, Parasceues, vel potius Sermo, quemadmodum reliqua in *Cod.* contenta, ut sub principium monui.*

DCCLXXXVIII.

Codex chartaceus lat. Sec. XV. U²⁰⁵. Folior. 256. 4. bene scriptus et rubricis distinctus hunc praefert titulum: *Incipit Postilla discipuli super Evangelia dominicalia secundum sensum literalem. In prima dominica aduentus.* Praemisso toto ejus diei Evangelio incipit: *Ante inicum hodierni ewangelij habetur Job. 12. Quod ante sex dies pasche &c. Exacto anni circulo finis fit in Festo Dedicacionis.*

II. fol. 129. *Incipit Postilla de sanctis secundum sensum literalem. Et quidem a Festo S. Andreae ita: Ambu-*